

四庫全書

集部

欽定四庫全書

集部

五百家播芳大全文粹卷

七十九
八十

詳校官侍郎臣劉躍雲

助教臣常循覆勘

總校官編修臣王燕緒

校對官中書臣范 鏊

謄錄監生臣戴祖覃

欽定四庫全書

五百家播芳大全文粹卷七十九

宋 魏齊賢

葉 茶同輯

請疏

講經 酒勝 茶勝 湯勝 浴勝

請照堂夏講經疏

陳了翁

禪者調御之心教是能仁之語覺王心口動寂總具于

全身海印凝流畢竟同歸於秘藏曹源一滴終無別水
之波佛隴九旬但指本輪之月言言皆藥法法無滄要
知手藏之文不離面壁之處毫釐若契說默皆如苟違
雙照之機詎明俱泯之相余設高坐以邀上人照公長
老善續祖燈嚴持教網住上均慧久散圭峯之舊徒為
物入鄜嘗講彌迦之輪字金剛圓覺已侈傾聽之人資
福寶城同是精藍之地宜順可從之請勿違無作之緣

請明老說圓覺經疏

晁无咎

脩多羅教者如來本起因地正受住持大涅槃門妙莊
嚴路十二部經諸決定義十二菩薩所脩行因流出無
量一切吉祥真如超過恒沙十方文字譬喻若廣說說
者千劫不盡若無說說者一句不煩然而末世勤勞益
遠正法衆生眼目必有導師和尚德性純明道峰孤迅
具三次第為一總持固嘗振錫游方為證此事拈香說
悟已契古人於我此邦夙植善本願與慈閔普為宣揚
夫性覺圓通初無此觀彼觀因地漸次故有齊修單修

欲令見聞不生差別幸對人天之衆尚無金玉其音

請律師說圓覺疏

史天秩

道在眼前誰能觀妙書形紙上可以悟疑不妨糟粕之
傳自有筌蹄之獲况遇琅函秘笈自金口妙音指如幻之
六塵破有為之四相五千餘卷攸歸一杪之微二十五
輪進以分門之異雖名頓教亦輪漸脩諸佛所言是人
願聽恭惟某人辨才無碍覺性有融志在最上乘心存
第一義久游都會獨步教門須知說法度人未免歸鄉

酬業金風擁馬指山寺以言旋玉塵開題散天化而作
供勉從鄉議用報佛恩

請長老講經疏

張正己

上性圓明能照盡無法界有生之類與我同得去真即
塵於性遂遠譬之貧人懷無價寶日在其身不知自覺
求乞於市以得為喜迷是相者不知寶故人有寶若能
得寶其價無量終身搜山久無所得力窮心怠疑山無
寶偶得千金和山售寶迷是相者不見寶故使人得寶

日生千金自信無疑世必無金可易其寶然世以得寶
自以為真韞匱而藏舉世不能移其所愛有真識者指
其所非識之寶市衆識皆笑此名見寶而實不見寶妄
見非信亦復如是乃知起信必導人以見性然性固疑
生自見分別我初無疑信亦何有疑信既滅性本如若
夫起信本為疑設而疑者自疑以信為有今吾鄉智師
以是因緣為衆起信師乎吾懼汝之不見性也

請慧通閣黎講法華經疏

葛謙白

一宿明心固須直截九旬談妙也要週遮宏演真文允
屬開士炬師閣黎禪律俱貫權實互融了三正三觀之
詮淨六根六塵之障傳衣佛隴夙承銀地之宗風乘拂
仙潭曾露金容之秘記佇臨鹿苑等與牛車不憂緇侶
之驚疑行見天花之亂墜

請覺老說金剛經疏

晁无咎

六百卷義總般若以題籤四大部中以金剛為教髓如
是住如是降伏法固已傳若以色若以音聲佛不可見

所以德山受具而精究曹谿採薪而聳聞蓋達心則四
句無餘故上根以一門超出和尚離我我所得玄機
故知筏喻本空然欲濟者盈於涯涘夢觀不實而卧鼾
者喧於牀帷况此小邦魔强法弱頼觀若士雲開日明
庶幾興行從此紹續昔達摩見梁武帝則不立文字而
天女告舍利佛以無離語言師今對經所說何法我不
取相亦無是經顧諸見聞同一解脫如病得汗如鳥出

籠

請律師講蘭盆經疏

人自無始至於今生所歷生劫過於河沙無生不始于
父母劬勞之恩每如四大海水而人生一世恍惚如電
有得百年以盡報養其於海水僅為涓涓何況世間事
違人心或襁褓而隔生死或老耄而勢南北或欲養而
時不待或待養而力不繼以一生難報之恩積無窮之
恨則人之所負其親蓋以多矣世之人以能備棺槨衣
衾舉親之遺形以就土為足矣而不念遺形之外魂魄

所游有不適其安者遂忘所以導其安嗚呼其追報之恩亦不廣矣且以目連親遇出世之佛以身証六通而母不離於惡趣雖佛之慈惠有不能救設孟蘭法以假衆威力然後解脫況以凡力欲為父母滅罪延福區區一身能自致乎今夾江哀子楊某欲為過去所親倡集鄉黨信法善士敬請通義某僧于中元衆僧自恣之日講盆經一會以追荐其游魂凡有父母心者莫不皆喜捨集會伏惟某僧覺大乘無邊方便推天性自根慈孝

為法衆振錫一臨甚幸

請小參疏

超昇三昧演暢一音自是跳上祖師更欲推倒大佛低
心徇俗出手為人瓦竹相敲萬古無聞獅子吼風幡不
動一時驚破野狐禪大逞神通定須奇特諸人諦聽著
意隨緣

請致道道正住持酒榜

程子山

王無功作五斗先生傳大誇物外之高蹤杜子美作八

仙飲酒歌盛說酒中之佳趣蓋絕塵離俗之士多飛觴
舉白之人憑美酌以養生藉醇醪而去病聞中山之酒
千日孰不流涎傳南都之醪十旬皆相慕義酒之德至
矣酒之用大矣投於江以破勾踐之軍嘆為雨以救成
都之火其在尊氣養形之類尤喜絕纓側弁而來為世
外之逍遙游唱上天之步虛曲事屬高道理絕當人恭
惟致道道正先生祿謝萬鍾味思九醞斟酌飽滿而於
性自得獻酬交錯而於禮無違一斗百篇喜謫仙之狂

筆三行百拜笑吾教之煩文顏玉山而屢接高標解金
貂而常逢貴客澁不鄙宜城之竹葉獨不嫌南國之榴
花蘇東坡昔日之私醪常供痛飲阮步兵公厨之綠醕
曾發醜顏欲坐而文學之樽不空求對而周覲之量難
敵今也火雲盛熾玉露將零聞袁紹河朔之游思陪避
逅說山公高陽之會亦欲臨池崔馭未行金罍已到家
道之生涯澹泊沈酒而不至破家山觀之氣味清虛荒
耽而無憂敗度况坐有神仙之客門無糝雜之賓吐丙

吉之車中貴人不怒卧畢卓之甕下酒家無辭宜同濟
濟之人共適陶陶之性後會難再高風莫攀雲馭他年
集衆真于碧落霓旌異日講盛晏于蓬萊事未可知茲
不復道

請知觀酒榜

飈冷借馭初來物外之旌幢邃館開筵盛集壺中之簪
舄振玄風於樹下續墜緒於陽平宜偕暎雨之流共作
乘虹之飲恭惟住持先生久諳正味獨挹真醇混醒醉

于兩忘齊聖賢于一致巖逢石髓恥為王烈之和道遇
瓊漿懶事雲英之役芬馨既露光影難藏遂縻香火之
緣俯就宮壇之職幸仙人之居紫府須從事之到青州
無忘伯雜之清惟慮小槽之竭星旗正耀天幕方開何
勞膾鳳脯麟自是餐芑飫水藉今日稽缸之會結他時
茅杵之遊振領提綱諒笑談而可畢操卮挈榼非倒戴
以何辭佇狗羣情同為至樂

請然老茶牒

歸宗奇怪沒意頭將鉞子踢翻龐老羴提甚巴鼻把托
兒拈起門庭雖峻風味不殊所以趙州勘辨諸方是羸
家先賴佛日麤瞞天衆緣忍俊不禁須知今日作家抹
盡古人公案然公長老槍旗屢試聲價素高古佛場中
摘靈苗異草無影樹下酌古澗寒泉搖撼破甌肯作夾
山伎倆森羅萬象咲他投子顛頑不知兩腋已生風只
道餘人無分喫洗盡殘羹餽飯還他正焙靈芽手提雪
竇留下破鐺點出慈覺當時法乳甘生齒頰香透頂門

妙哉一口吸西江信矣幾箇知天曉雪山種底莫作尋
常一樣看雲板響時拈出平生三昧手

請明老茶焙

孫仲益

謂茶為苦以蜜說甜同在一塵孰知正味明公長老以
廣長舌說第一義以清淨眼證不二門應感而現法身
隨緣而作佛事衆祖進果百鳥銜花鳴兩耳之松風倒
一瓶之茗雪三竿紅日上正熟睡時兩腋清風生不妨
仙去

請九頂長老茶榜

馮當可

草木有耳亦聽新雷之聲雨露無心助發先春之味
直信溪山有異便知香氣不同宜向法筵特伸妙供新
病禪師不尋枝葉便見本根驅根奪饑雖自最初下種
碎身粉骨却於末石酬恩最宜活火裏烹來不見死水
中浸却昔日徑山門下打破封題如今大像山前放行
消息只要未舉托時會取莫於擬開口處商量與衣冠
士庶結清淨緣為天龍鬼神滌塵勞想舌頭知味大千

界同苦同甘
腋下生風一切人
澈皮澈髓湯瓶舉處大
衆和南

請廣孝長老茶榜

李彥和

未出氣胎槍
棋已露纔經
劫去牙孽猶存
發生于五蘊
山頭擢秀乎
妙峯頂上遠
離塵中夢想
驚回天下魔
軍若能信手
拈來方知下
口去處某師
宿植德本固
養靈根廣私
自己心田悉
下菩提種子
定水養成新
氣味慈風扇
出舊根基舉
起須彌碾來
不破倒傾溟
渤點盡還

餘飄然兩腋清風普現千江皓月甕甌拈起大地震撼
托子放時諸佛滅度可使枯腸無物不教病眼生花何
須居士屢擎一杯自足不是趙州解飲半滴難消若逢
無舌道人試辨味從何出

請普老茶榜

劉忠遠

彭八拉劄擊動闕南鼓離羅來也唱起德山歌明明撥
開甘露門一一指出黃金樹仰山摘去香巖點來龐公
舉起托子時歸宗打破鉢兒處雖公直下是不用那邊

來試問叢林作何滋味普公一燈星火九仞活泉不消
老婆運神通說甚人子呈知解第一椀彌勒大像第二
椀普賢上人第三椀尊者諾詎羅只這一椀什麼人合
喫森羅萬象即不問轉身通氣作麼生鎮州蘿蔔大于
瓜雲門胡餅甜似蜜三千卷文字料掉沒交涉三十年
鹽醋畢竟說與道亘有一句子蓬庵今不惜眉毛特為
拈出菩薩子喫茶去

請鑒老茶榜

鄭伯敦

凍解靈源光浮巾錫春歸賜谷暖襲簾帷霍駕生風春
門迎之茶苦蟹餅翻乳獻郊勞之芹誠響像如臨哀號
增感已埽先人之敝館奉安聖者之眸容載仰慈悲俯
從戾止

請巖老茶榜

馮當可

天施地生凡萬物與我一體星驅電埽為大衆拈出一
奇瓶如取竭西江碾子轆破南岳不少不剩半苦半甘
自非老作家應無下口處欲將一滴洗滌乾坤不待重

嘗已無佛祖照公禪師法幢肇建正令前提舉山河天
地以更新盡天龍鬼神而咸集真使點頭嚙唾何必監
拂拈花有舌隨身各人一椀若色若香若味直下承當
是貪是嗔是癡立時清淨雖然如此總是相謾下咽即
休深惟保重

請珪禪師茶榜

邛山氣淺得地未高觀水寒多占春不蚤然拈著后草
根本葉便是醍醐而使錯時龍餅鳳團等為塵土請焚

舊譜為獻新芽某師小甲驚雷枯枝灑雨秀發自符於
天性清香難掩于人知百物重靈苗三昧中至味粉身
碎骨磨石底透病出來雪乳浮華滾湯中為君點過殷
勤一啜覺悟羣迷別有功勞他時叙述

請祥公茶榜

邵公濟

如西山之靈草久已馳名必東坡之鄉人方能知味特
持絕品遠餉勝流伏惟祥公上人雖傳洛浦之衣不挂
一縷未取香積之飯已飽萬人愴能人龍象之故家亂

不道狐狸之衆穴為老子而強起與善類而有因大掌
重現寶拳廣殿如按神足若遙記之垂契當門宇之再
興初亦無心孰云有力宿推先覺固已除于睡蛇大破
羣昏尚何分於夢蝶

請清老茶榜

鄭伯敦

靈源破牖起寒氣於巾瓶佛嶺將春動晴光於幄帝兔
甌浮雪郊勞有儀霍駕生風空門無際既將迎而肅若
宜顧答之恍然度埽敞廬祇安聖像輜輶俯眷蓬華生

輝

請詮公茶榜

巢時甫

泥牛耕空寶山布種窮盡大千界祇這靈芽試徧第一
泉無此至味舌根知處勝于乳酪醍醐玉塵飛時碾出
山河大地汲取八功德水瓶中已作蒼蠅聲戰退四天
下魔枕上詎成蝴蝶夢要知下口處須是實頭人惟詮
公禪師云何住心是名說法便使千齊日赴也要兩腋
生風大衆千齊日赴即莫問兩腋生風事還會麼幾入

鷲峰雲自碧重游鹿苑日何長謝師訪臨已後為人不
得錯舉

請平老茶榜

史唐叟

方靈芽未動時盡天地無尋處爭奈而今碾破不嫌與
衆分共須憑世外通人為辨箇中真味恭惟慶公禪師
根苗特異風味不凡迥超百草頭邊獨秀孤峯頂上明
招銚子直與踢翻則老籃兒已會拋下上窮諸佛下盡
羣生如今揔與一甌普同甘露從此不妨兩腋各起清

風

請陸老茶榜

邵公濟

毀茶有陸居士不謂知言沽酒如遠法師也是破戒堂
頭和尚寢已不夢睡已無魔大曉羣昏獨為先覺以至
地產靈草過如天雨寶花往荐法筵特敷妙供苦言有
味既堅一至之心明眼在旁好試三昧之手

請珏老茶榜

邵公濟

閩越溪邊苗裔寢廣蔡蒙山下香味不同欲增重於法

筵宜得敷於妙供
珣公長老已無心于夢蝶亦久除于
睡蛇廣說中邊之酣深憫輪迴之苦更試曹溪一滴水
共盡盧仝七椀茶是襄陽居士摘來教趙州和尚喫去
一語雷音已罷四衆雲集交懽

請然老湯勝

瞿曇說蜜味中邊誠為至論
政公將橘皮熟炙勿訝太
清雖然飲啜不多蓋是叢林盛禮
然公長老住十大刹
說五味禪甘露入心不落
醫家窠白醞醐灌頂能除病

者膏肓一瓶盛四大神洲何曾欠少一口吞三世諸佛
不見蹤由昧之者有舌無皮知之者點頭嚙唾若有唇
乾吻燥一切羣迷欲教瓦解冰消與渠半喝

請昭老湯榜

鄭汝明

熟炙橘皮本色道家風冷淡濃煎鷲粟言無童子三
昧精通何如細辛姜桂而和合衆香更以酥酪醍醐而攪
成一味稀稠得取中邊皆甘亦能殺人活人莫問有毒
無毒恭惟某人舌端具眼肘后有方從來冷暖自知直

是涓滴不漏解空岩畔以明無說無聞普濟堂前便好
應時應節幸從三請聊荐一杯澆胸中丘壑道腴壯物外
烟霞秀色現前法侶同賜寵臨

請金老湯榜

洞庭秋晚黃金橘飽夜來霜南國春濃綠樹梅肥江上
雨不惟熱炙猶可調羹都歸本分品題要在當人斟酌
名飛上國道冠諸方學者師模人天眼目叢林自知氣
味草木亦仰風聲橫揮舌本瀾翻咲殺行家苦澁鑑湖

卷七十九
夢冷從教萬壑爭流螺渚興濃且看三山繞郭既勤三
請聊具一杯仰冀衆慈同垂老伴

請浴牒

雷鼓初鳴雲徒畢集卸下青州衫子露出赤肉真人會
得通身流汗時便是當人離垢日聖凡無礙懽喜結緣
淨一毛頭超八功德

勸緣疏

修造

興化寺請真公修造疏

有為雖幻是惟聖證之因興事其時信有異人之至真
公大師行成於律法得於心志如金石之堅施有龍天
之助勉從勤請後發願心

脩資聖寺大殿疏

孫仲益

七十年中住世寶只是閒看千萬佛所種善根惟有一
施應觀法界一切世間凡此現前諸相具足之身皆是
夙植三生菩提之衆盍增崇於妙果用宏益於當來歌

利王割支體斷若虛空麥丘人賤金玉視諸涕唾顧積
太山一線之溜用合浮圖百尺之尖睹此勝緣故應喜
施

修平江報恩寺大殿疏

善有根封植則生福有田投種則獲恭惟三世佛亦號
兩足尊俾衆比丘開萬善之門為大長者集諸福之地
爰因廢刹重建道場檀施一開龍天咸會生生世世為
善知識共修無量之緣子子孫孫現宰官身更結未來

之果

修能仁寺釋迦殿疏

蔡持正

淨域祇園為衆生之福地梵宮紺殿設諸佛之辟容顧
此殊常誠為勝刹彌經歲月寢毀楹桓欲踵事以增修
遂因心而感發輒陳丹懇上白仁人願搗金玉之藏一
新寶刹當對香火之供永祝壽齡請諦妙緣幸垂芳字

修定香院疏

汪彥章

童子聚沙為塔道師幸險作城雖非真實示世間尚謂

莊嚴成佛事矧茲古刹建自唐朝俯百家樵牧之區控
千里舳艫之會山明水秀勝迹宛然雨作泉傾舊基無
幾仰賴天福長者垂憫百年道場一新鐘梵之音再振
江湖之上同修勝事各起信心庶慈悲喜捨之緣成廣
大無量之福

修香林院疏

唐子西

昔者香林親得雲門三昧傳之北塔挺生雪竇一枝子
子孫孫在在處處正眼周于法界真身塋於寺中隻履

具存莫記星霜之變精廬寢敞率皆風雨之餘文演道人愍此就荒勇于必葺欲使當來未學識前人魚鼓之音豈惟過去祖師存後世箕裘之業冀集無邊之福上資有永之年當賴十方共成此段

修成都中和六祖院疏

黃魯直

鐘魚鼓板癡禪盡飽而六祖饑卧具床敷濁禪盡溫而六祖冷使道人如此失所則檀越何處用心敢為諸仁畧開少分相逢展手不妨貧女一錢隨喜轉頭報在龍

華三會

修寶城院疏

布金之地聚寶為城示佛境於羣生祝堯齡之萬壽法
流不斷涌華構而長新財施無邊因悉檀而益富觀茲
善利誰不樂聞宜推寶髻之捨心永作丹丘之勝事

興造教院疏

修具足相惟有莊嚴滅貪癡罪惟有布施恭惟大檀越
皆兩足受報之身更發菩提心為三生種福之地供毗

郭城香積之鉢轉光明藏貝葉之文開大旃檀林建寶
蓮華坐娑婆世界內捨不貪不吝之財堅守庫藏中聚
無量無邊之福

修玉皇殿疏

鴻名肇正方瞻玉冊之盛儀真象具存宜闡銀墉之寶
創願體朝廷之意共輸臣子之忠苟上格于帝心必俯
從于人欲凡我信士作此大緣

修造資福院疏

百年叢蓐棟宇荒蕪一旦山門經營修葺土木之貲甚衆巾盂之積難充在昔布金創新者尚逢有力豈今合國修舊者乃謂無人但試拈開面前必定感從心下隨多隨少共結勝緣旋得旋收但充本用尅期興復指日落成果三寶之居莊嚴有自則一鉢所施福報無疑

再建勝相院疏

邵公濟

大地山林初驚福火淨坊樓觀俄變劫灰蓋金仙開士之所宜居豈祝融回祿乃敢輒取當有定數決非偶然

舊得中和之名獨壓大慈之勝碑板照於四裔畫筆妙
乎一時盡為瓦礫之區不辨鐘磬之地艱勤尚憐於月
祖勇發再見於雲孫弔華屋以興悲指大江而為誓再
思起廢當慕有緣悵焦頭爛額以無功雖劇手蠶足而
不避況此仁祠之興廢實為會府之盛衰在善士自宜
動心雖大豪亦當出力行見朱甍之翬動重瞻碧瓦以
鱗差非特為當代之偉觀當共結他生之妙果

修吉祥院疏

石敏若

雲薨藻井不思議之莊嚴齋吉粥魚阿僧祇之供養
賴衆生七寶布施作如來大事因緣惟吉祥禪坊乃永
和故刹七百歲號鼃怨霍翠竹淒涼十八年洗鉢鳴鐘
白雲去住惟大寶藏供無量僧雖日結此而免憂當歲
計之而不足亦嘗負囊乞米散縷裒錢朝告寔而暮空
左欲文而右販故風楹雨壁未敞雄名使烟水雲山長
有餘恨退思長策乃得良籌到東成西作之儲飾南去
北來之衆使平日法輪得利為宰堵波庶他時佛宗驚

人如天竺國昔馬未暇今也其時自我快心招千人之
因地為君出力種諸佛之善根此諸勝緣當歡喜施

修萬菩薩院疏

童子聚沙已傳佛印祖師立雪僅得傳衣蓋修行之力
甚難而莊嚴之功為大惟梅山之淨界本蓮社之上游
日月既遷風雨不庇昔自聖迹之委地時見祥光之燭
天神物護持父老歎息事非偶爾時有待然除荆棘以
遷狐狸起屋壁而安龍象以萬菩薩之威力與大檀越

之信心將見落成可保經久故托無遮之會用結未來
之因常共歸依永無間斷願起慈悲之念同為清涼之
游

建開利寺三門疏

孫仲益

六親如是莫保百年見壯之身十力無邊當種三生未
來之福眷茲蘭若龍象所栖造踞通津戎馬荐至迄今
起廢允屬當仁百堵嗣興千金樂施善根堅固佛果圓
成了此一大因緣宜受無量福德

建普寺三門疏

布黃金為行道之場踞青蓮作說法之座况諸菩薩現
身之地亦大檀那種福之田一刹方興重門未立盍資
具足布施共成一大因緣助發善根增崇勝果及今住
世莊嚴佛土稱梵世之宮必是當來圓滿報身現宰官
之相

修五百羅漢洞疏

瞬青蓮目付法藏以默傳結白疊巾指心源而直授爰

有迦葉首蓓慶喜先聞夙昔大乘已超無學假修小果
欲接下根故十二大菩薩之所總持與五百阿羅漢之
所證入波不離水水即是波此皆為一因緣酥乳流出
雖復說三次第羊鹿亦無知性空則法空知我說為佛
說諸秘文之畧出衆聖號之具存肅恭僧儀烜赫靈跡
或經行四世界或晏坐一嵌巖受請天宮應供海殿擲
錫投去投盃渡來龍虎伏馴仙鬼陪隸少別萬里暫伏
千年亦有混跡和光入屢化俗游戲自在變化無常近

者淮泗塔中袖藏遠施天臺橋上茗結餘花不違本必
示常住世覲面不識有緣則逢永吉是用運廣大心募
清信侶建長簷及深廡闕異相與奇容平地起山凡境
成聖大千無有盡我願不可窮亦使見聞同生歡喜讚
佛一偈施佛一錢經有云獲福無量

修大聖寺鐘樓疏

趙莊叔

自紺宇更新井邑氣象粗具足顧鐘簾弗作昏曉不謹
道俗以為憊里人段玠禱於佛前願以身任責鳩工範

金一鑄而就將作樓以居之父老同語懽喜鼓舞爭出
財力共成勝事玠三復來請乞言諭衆為書始末宜示
芳題

福昌院修水光塔疏

勢臨紺宇地接紫霄有大宰堵波是真菩提樹後焰續
前焰端餘水面之光輝此時勝彼時要煥雲頭之丹碧
肆動祇園之新喜用宏唐室之舊章棲不壞之身非偶
然者成無縫之塔豈小補哉凡同香火之緣何惜毫釐

之費

虎丘寺修御書閣疏

孫仲益

曾丘勝地龍象之衆高栖藏室寶儲奎壁之光下照長
廊千步高閣三成風雨震搖日星穿漏眷吳門之輿境
實澗水之長游欲伏衆緣共作佛事山川炳煥復見龜
圖出河洛之中楹桷窮崇共看龍華照人天之上

修金沙堂寺寢堂疏

鴻盤舊隱菴畫叢林昔高僧振錫之初實長者布金之地



龍天擁衛可續千燈風雨振陵遂空四壁仰勤檀施共
諦崇因敢言問疾于毘耶丈室之中庶幾容膝于彭澤
南窻之下

建開利寺水陸堂疏

衆生造惡惡業墮阿鼻獄菩薩示大悲愍開甘露門推
三車救火宅之焚渡一棧援苦海之溺爰因勝地重建
道場恭惟大檀那曾受古佛記了知今世諸相具足富
貴之身端是前生百寶莊嚴佛土之報更修無上道以

結未來因

東禪院修僧堂疏

陳德仁

東禪寶刹西廡荒榛經營十年幸棟梁之僅足寂莫四
衆尚風雨之未除必得人豪用員佛果發無窮之積其
與幾何來有報之祥斯言不苟

修延恩院經藏疏

陳了翁

造車而欲行要須合轍求兔而未得安敢忘蹄解脫在
文字之中音聞乃真教之體金臺所寫薩崙推骨而願

求海藏雖深龍樹沒頂而能入流通不斷結集如新鋪
舒今散于千函眷攝宜歸于一藏總斯慧利普勸轉持
華構非一水而成妙輪依多輻而轉規模既定成辦可
期願因和合之緣廣作津梁之果

建太平寺戒壇疏

孫仲益

薄拘羅尊者捨一訶梨勒得無病報身維摩詰居士分
二珠瓔珞為具足法施無多寡隨力助緣將軍指兩國
何其多貧女施一錢夫豈少睹茲妙果共結良緣

建開利寺經藏疏

欲除空幻當付八還永斷貪嗔莫如一捨自非龍華會
世世受當來之記曾于菩提種生生有夙植之根孰締
鴻因遂發無上但乘應捨之筏自分無盡之燈

修華嚴輪藏疏

一乘法輪三身普現十蓮華藏九會同音故諸佛開大
方廣門為衆生滅貪嗔癡罪四十九年如來說法五十
二位菩薩現前善利宏開妙音演暢盍資衆善普證大

緣由進篲以成山積盈科而至海不住心不退不轉無
量福無數無邊凡我華嚴界中共證燃燈佛所

修福昌院藏經疏

侯彥周

葉書東傳花藏西等恃法輪之常轉庶覺海之竝流棟
梁僅存編衮何在作大功德要完八面之規模是上因
緣宜聚十方之玉帛凡歸我佛圓是道樞秘五十卷之
英華悟空有自來一百里之歸響獲福無邊倘念琅函

幸開金諾

欽定四庫全書



五百家備芳大全文粹

天

五百家播芳大全文粹卷七十九

欽定四庫全書

五百家播芳大全文粹卷八十

宋 魏齊賢

葉 荅同輯

勸緣疏

修造

建光孝寺經藏疏

孫仲益

種福有福田施佛得佛果但志心三四五佛悉皆供養

應獲福千萬億劫不可稱量況毘盧藏所傳大乘經皆
釋迦文所說真實語若聞此經典不驚不怖不畏則所
得功德無量無數無邊種種裝嚴極八十一好之妙生
生德度現三十二應之身眷此鴻因故應樂施

建開利寺經藏榜疏

釋迦如來為此因緣出現塵世彌勒大士建此寶藏示跡
天空眷言四十九年駕說五千餘卷若欲一切處作佛
大士要須諸信士歡轉法輪況經九死而取經譬捨全

身而求偈原夫至聖發四宏之願蓋為羣生渺八風之
波今既見佛聞經便好迴光反照庶續無窮之慧命永
作廣大之津梁便能抽出趙州轉處機關自然會得樂
山遮眼時節

修泰通法堂方丈疏

呂伯恭

翬飛鳳翥昔雄誇于諸方鼠迹蝸涎今浸頽于舊觀遍
謁檀那之助聿圖輪奐之新善法堂前無復草深之嘆
淨名室內再聞花落之香

修法雲寺浴室疏

蘇子瞻

浴為淨因佛所深讚以一念須破塵垢緣于三際中獲
妙湛樂永為悉達嘗感此以受生爰逮跋陀亦因之而
悟法本院規模素陋年祀寢多方凜雪於精神或震凌
乎風雨升堂入室未稱真游運水搬柴殊淹妙用新以
革故今正是時施及受人亦俱功德

修德清慈相寺月池疏

呂伯恭

斷崖吐月纔出半規古甃涵星尚懷全璧久矣寶奩之

廢時哉玉斧之修護此寒清被其氛翳名高詩杜再傳
和仲之符價重帝城復置文饒之遞

建吳江教院塔疏

孫仲益

長者布金號阿蘭若僧伽留錫在窳堵波人依十方之
尊地接三江之勝龍天栖止百寶莊嚴劫火洞然一夕
煨燼仰勤檀施共締鴻因歸然三百尺之高湧青蓮於
池上矚若千萬人之衆標白月于指端

修明招寺疏

呂伯恭

一生能著幾輞屐
阮使君陳迹猶存
添得為山笑轉新
獨眼龍清風未盡
境因人勝物由人
興眷此道場是真
福地老屋不禁風
雨日就欹傾巨材
宏架翬飛誰當借
助遇著挿一莖草
底檀越梵利自周
坐使不勞斧斤阿
師伎倆俱盡句中
有眼笑裏知幾索
著不來切忌蹉過

修祖師院河堤疏

三乘佛地六祖道場
適憂東去之驚波
將害西來之勝境
既非曹溪一滴盍
障狂瀾如得陶朱
千金乃成彼岸幸

矜誠懇特繫芳銜

修興福院疏

崎山勝踐古聖迦藍遠接蒼波浸灌湖田幾千頃傍連
粉雉鎖斷闕城十萬家檜栢排青峯巒擁秀氣象依然
森列門庭那得蕭條興廢在時扶持有待更勞斧鑿振
居士植福之基願發囊金證如來顯化之地

修忠靖廟疏

棟宇恢闓子厚嘗致誠於太白堂陞頽落昌黎亦軫念

於相君神祇既安休祥自至惟黃柏洋場之勝境自忠
靖昭烈之行祠無感不通所求皆應天寶之際誓挺身
於二賊之間熙寧以來尤發靈於七閩之地一指之棄
千載如生顧廟貌之未崇慮神游之弗稱此邦之念在
是過者為之憮然欲廣規摹一新廡殿何以侈憑附之
庀丹青之飾未能辨瓴甃之費板榦之工度財約千餘
緡落成需二三載願惟樂施同集殊緣特開嚴毅之顏
以介明靈之祐雨暘協序即看彌望之耕桑詩書禮家

會見滿門之朱紫

修龍王廟疏

九秋龍躍萬里雲從方平陸以為淵念靈祠之無所願
叩陶朱之富室共新彭蠡之離宮神則奠居障百川而
歸海人斯蒙福隨四序以宜家

修通濟廟疏

南國大川洞庭極險上游郡祀通濟最靈實闕陰陽宰
制生死盛吸江吞海之氣有分風擘浪之權舟橫中流

如幕上之巢燕人依大茈若仰息之嬰兒有知無知孰
敢不敬而此廟結構已久理葺正煩大招開濟之徒肇
興重營之役期成功于不日共招福于來今

造鴻橋疏

東里子產以乘輿而濟人見譏孟子持地菩薩作橋梁
而度衆具載楞嚴故知儒釋之用心咸知功利之反物
顧此度漢之名郡實為井絡之要津頃緣木災大作民
害鴻橋既壞人迹不通岸上多爭度之喧舟中有掬指

之惠州縣隔絕氣象荒蕪更恐文物之索然夫豈士夫
之忍視須憑四邑之領袖共作一邦之表儀輒布悃誠
共圖勝事

楓橋砌街疏

孫仲益

車輪覆井彭公之懼溺則然乘輿濟河鄭僑之樂施如
此乃眷吳門之北實惟浙水之衝冰雪之辰風雨之夕
陷泥蹶塊駕萬斛之舟挽葛捫羅爭一線之路呻吟相
屬顛仆盈前欲出諸積淖之中共冥此坦塗之上雖道

路橋梁不治盍現宰官身而山河大地皆平實行菩薩道

塑像 經典 鑄鐘 化供 佛事 度牒

靈壽院塑佛疏

孫仲益

吳道子畫鄴都宮而懼罪者不殺韓吏部題木居士而求福者無窮雖名四大假合之身自成一念真實之相庶憑善知識結此大因緣啟發真心極種種相好裝嚴之妙增崇報地為生生福德具足之因

廣孝院鑄羅漢疏

孫仲益

變化飛行本無住相莊嚴淨供須假信心欲持飾像之
良工當有布金之長者願祈樂施共結勝緣不到石橋
見尊者之五百何妨寶聚滿世界之三千

碧子院塑佛疏

當山住持比丘某甲為今大殿釋迦文佛以次諸像裁
製庠小未全好相匪肅瞻依且欲改造具足端嚴種種
成就資爾衆信有大檀越聞而喜躍恭敬作禮而發是

言事無難易惟在一念一念精進平地須彌若墜一念
須彌自壞今此佛像亦復如是以是因緣而說偈言火
不在薪無薪無火月不在水有月無月佛不即像亦不
離像即像求佛閉門留月離像求佛毀鐘存錙塵塵相
因無有是處諸仁者如彼古人燔燒冰像以思惟心指
像作佛云何惡報不當其身若人能以七寶嚴飾或用
鐵木漆布及泥又如童子爪甲戲畫以闡提心指像非
佛云何漸積功德無量興大悲心皆成佛道諸仁者認

心是佛不暇莊嚴名為外道此佛此像非即非離不作
妄觀自現無上菩提檀波羅密

造佛菩薩像疏

趙莊叔

佛無在無不在深山窮谷荒郊斷塹虎豹蛇虺之所宅
榛莽塵穢之所聚一念清淨佛即現身蓋其道以無有
為宗以一死生齊寵辱為當然故曰欲求寂滅樂當學
妙門法彼視其身如泥沙塊壞破碎埽除踐履涕洟有
所不顧而况夫屋室堂堂金碧丹雘高潔深廣燦爛晃

耀而喜欲居之哉雖然天下之人達者寡而流者多不
嚴乎其外彼之中必有所不敬不示之以相彼之真實
必有所不固是故無量寶臺鐘磬幢幡香花燭燈種種
具足列乎吾前者蓋所以化之不敬不固有不得不然
者也丹心慧目寺有僧紹緣者年甚少事佛甚謹常以
寺闕菩薩之像為憊曰是罪在我乃謀乞貲二萬于諸
大檀越作菩薩像覆以夏屋夫豈不知華靡之不足以
奉佛然區區于是者其志蓋遠矣哉人孰不欣然從之

異日必有瞻禮再拜因敬生悟者此皆紹緣與諸施財者之功也黃君浩然移書于某具述紹緣之意請書其然固為書其所以然

香林院造佛疏

院于咸平初衛師所造大殿功德呈露儀刑彫落有知見此無不愴然尚恐宗風因此陵替某等今欲揭此一大事示諸長者有能于此五佛二神上結因緣啟願見聞各各起大歡喜興此因緣譬如衲衣不在一縷無一

縷不能成衲又如以鑑分形形雖非鑑而設鑑知形以像取佛雖非像而設像見佛謂鑑不是形而鑑現形謂像不是佛而像是佛千人萬人載瞻載仰故曰不因裝嚴化衆生焉得衆生成佛道

繪三清御容疏

趙莊叔

人心之好善也如水之濕如火之燥其所以自賊至于桀紂盜跖者外不見其所敬故溷亂于中至于迷而不返也吾嘗使天下之人春夏秋冬夏飲食起居日常見其

所不能見知其所不能知見者可敬而不可慢掃除潔
滌以葆其芳不善之心何由而生是故目者心之委也
心者目之歸也古之人所以設為圖畫之法者豈非欲
人見其所不見起敬起孝以固其良心者與是心一固
則可以通天地而貫日月去菑害而召戩穀不可謂無
也乙丑之歲七月己巳道士令狐壽椿來訪既而言曰
壽椿入道之山有觀觀有壇壇有殿殿有三清玉皇上
帝御容三境高真一一具備每季春之日百里內外若

士若民奔走俯伏虔祈景祝靈效大著來者日益然異時道里或遠則人亦不能數數至也有志願而不能至是斯人之心常不滿也嚴具繪像使有志願者無奔走之勞而有瞻禮之益以滿其不滿之心壽椿竊有志焉顧貧而無貲子盍為我一言某曰諾萬法皆偽也以偽即亂不可以偽導善而終以獲福吾何尤哉人其忍辭之

捨佛額水精珠疏

九重淵底嘉祥初發于人間六丈身中妙相遂嚴于佛
外顧此摩尼之有得本於象罔之無心是大因緣作真
功德伏望昭明萬法示現衆生圓照用時如鏡出匣白
毫到處與月當天庶勝利之難窮俾寒門而獲慶凡此
懇禱諸佛證知

置大藏經典疏

諸緣出世本緣說法利生衆生鈍根不能見性成佛所
以託胎卵濕化為正命認地水火風為自身將育引育

從苦入苦大可厭患况無出期故如來警之以雷震法
音示之以天然覺路設有七寶布施滿恒河沙不如四
句受持等虛空量而此小邑其中萬家雖建梵宮猶虛
龍藏醍醐上味至死不啻摩尼寶珠曠劫常棄豈不共
生慙愧同作因緣今聞上國伽藍適有古教緗帙題緘
萬卷價直千緡欲置六師殿堂不妨八部衛守普願聞
見咸發慈悲大事圓成諸方慶讚若僧若俗得誦得持
十地一乘性陸運而不染三塗八難罪湯雪以無餘或

素或緇曰男曰女不以多寡便為輕重惟能運喜捨則必獲法施福

置道藏經典疏

陳君舉

自廣成子脩身千二百歲始為神仙家肘後之傳至柱下史著書八十一章遂與儒墨教鼎足而立吾道非感于天堂地獄斯文當秘之玉櫃芝函欲鎮名山須藏真典六七人羽玉其如汗牛充棟何三萬軸牙籤須杖傾困倒廩者

募人生日請僧誦金剛經疏

葛謙白

生我劬勞載遇誕彌之日
但俾爾昌熾必憑衆祐之功
矧惟般若之靈筌實冠修多之寶藏
是曰真語如語不誑
語宜作悲觀慈觀清淨觀
伏願若見若聞或道或俗
流通法藏荷擔如來捐金不靳
于涓埃植福可同于海岳
雖三五而盈三五而缺
了知幻化之須臾然八千為春
八千為秋可觀壽期之絲邈

茅山霍會鑄鐘疏

望中天之華表以迎遼雀之歸建東序之金鐘而聽蒲
牢之吼惟句曲洞列靈仙之籍實嘉平臘著內紀之謠
念久闕于鴻音當仰資于衆善百求百得聚千鎰之多
而后成大扣大鳴徹九地之幽而皆應

化鑄鐘疏

佛身法身緣聲聞身而修證妙音梵音託世聞音而闡
揚眷惟龍藏之總持實賴鯨音而發越輒干檀信就此
勝因椰標扣門蓋將萬鈞之工直蒲牢躍冶豈徒百里

之見聞

辟支院化緣疏

辟支佛昔游南土示現神通古道場今在東山嗣承香火頻年補廢事荐修惟三門滋歷于歲時而四壁弗支於風雨期鼎新于輪奐庸仰控于檀那倒廩傾囊尚幸片言之忻合飛雲障日益嚴百里之瞻依

東禪化供疏

望州亭畔林木池沼皆演法音濯錦江頭鼓吹笙歌咸

宣至理居士怪曾提掇上人只麼經行一毫端妙協機
峯盡大地春開筆舌潭空月皎也知應現無心齋鼓粥
魚坐覺叢林增氣三山簇寺而懶翁住處是大叢林一
路八州軍而仙府雋流皆舊檀越不厭丐緣頻數良由
願力洪深徒上流傳于時紹述相逢相見未舉已自先
知有始有終畢竟還他樂施

東禪化供疏

國一禪師云出家大丈夫事非將相之所能為誠哉是

言從上先聖存心入道以至忘軀為法捨全身而求半
偈齊腰立雪斷臂安心豈不是歟何憚入鄧垂手化導
有清不顧寒暑遠涉山川不拘山林城市酒肆茶坊米
市魚行花街柳巷或瞋或怒或唾或罵逆順門頭是非
境界折伏慢幢誘掖一切不探虎穴安得虎子若無力
量豈能荷擔若能荷擔是名真正出家是謂真法供養
然後于微塵裏轉大法輪向一毫端現寶王刹豈不見
保壽和尚作街坊時于十字街頭一拳之下悟徹得恁

麼無面目可謂快人一言快馬一鞭築著蓋著動地震
天流落叢林清風宛爾敏上人出卯如定法廣大心笑
持一鉢遠詣建水續舊目錄訪諸檀那求餘法語求筆
書底塵中撞著知音必能肯首滿意歸來共五千指續
佛慧命豈小補哉止庵當為汝擊鼓升堂重說大義頌
曰裴公龐公建溪上何用區區別處尋玉戶朱門相見
處不勞動舉盡知音

東禪化供疏

吐月吞風寺在千岩萬壑摩肩接踵僧來四海五湖雖
其人境爭高且要法食俱運惟富沙諸賢長者與真覺
有大因緣莫厭頻來信是人惟求舊無辭博施管取道
不虛行

東林化供疏

開蘭若門雖依佛住具伊蒲饌允賴能仁眷此叢林實
雄上國持鉢而食豈無獅子兒獻寶而來必有長者子
欲成大海要積涓流雖法力無邊自永周于沙界而因

緣有地冀永庇于一方

觀音院化供疏

陳無已

化無高下一念徧于大千施有多寡半果等于百億是憑念力用作妙因樂與信心同茲勝利

六祖院化供疏

黃魯直

鐘魚鼓板痴禪盡飽而六祖饑卧具床敷濁禪盡溫而六祖冷使道人如此失所則檀越何處用心敢為諸仁畧開少分相逢展手不妨貧者一錢隨喜轉頭便在龍

欽定四庫全書

五百家類芳大全文粹

卷八十

華三會

趙法師化供疏

葛謙白

蔡明遠一校耳尚為平原之賙陶胡奴何人哉不關東亭之贈某早承道蔭晚若風淫人事頓乖齋薰俱廢魚躍萊蕪之釜粟虧粟里之瓶特傾持鉢之誠以覬指困之施敢望歸心霄極興念羽流豈無青精以助棗藜之腹不如稊稗可充藜藿之場

王道士化供疏

某結廬烟野寄迹道流煮石餐松未齊于逸駕吸風飲

露尚隔于仙達必資稊稗之微以充口腹之養伏望見聞樂施道俗興憐輸餉合于千箱起炊烟于破釜飯抄雲子倘鐘鼓之復鳴福比河沙諒飈車之有報

結龍華會疏

象教垂文肇自釋迦老子龍華法會證于彌勒天尊當知後世福田特在衆生心地是用廣哀淨賄普結勝緣今晨共樂人天他時同生佛土但得四千年常無退轉

欽定四庫全書

五百家類芳大全文粹

卷八十

庶期八萬歲在處相逢伏望見聞各生歡喜

崇安寺放生疏

齊宣王哀一牛之纍鐘無辜就死杜子美解衆難之急縛不忍遭烹故諸菩薩開方便門而大居士施無盡藏閱此衆生羽毛鱗甲之屬貸其一時網羅鼎俎之虞洋洋焉得其所哉舉有不驚不怖不畏之心皜皜乎不可尚已應獲無量無數無邊之福

觀音道場設羅漢齋疏

李去病

剛柔緩急取舍辟就凡人各有取舍如十指然不可牽
抑或有持善因佛事者試為宣說纔歷耳根生大敬信
則符契脗合不差毫芒萬人之心一人之心也萬人趣
念一人趣念也諦觀諦聽初無勞煩乘其威神所周廣
大故以滋味為佛事者了滋味而舌得爽快以光明為
佛事者見光明而目得昭徹以安適為佛事者就安適
而身得自在以馨香為佛事者嗅馨香而鼻得通達以
聲音為佛事者聞聲音而耳得聰辨以懺悔為佛事者

悟懺悔而意得解脫隨取隨求圓滿無量若水赴海殊途同歸故今議以來春作觀音道場及羅漢齋一會上所布俾衆生證一切凡以諸種種身得度者各從所現身而聽說法刻十六大士位證四果識具六通曠劫住世有感斯應

禳字星設醮疏

歲運方艱言念札瘥之苦星字為彗必資禳祓之休助設微科須憑苦友冀迎祥于九府俾集福于三元玉几

金檀苜疑雲車之至南箕北斗增崇壽岳之隆願洒芳
毫同成道果

化度牒疏

以財發身理固存于明訓見得思義士亦恥於苟求惟
無愧于道心庶可干於仁理願發積中之厚積共成方
外之勝緣倘聽蕪音幸回金諾

開利寺化度牒疏

孫仲益

大士營堅牢寶藏世尊開方便法門自惟浮生四大無

常之身莫如歸命最上希有之法仰憑博施共結勝緣
倘容此身度世依佛依僧敢忘他日捐軀報恩報德

化度牒疏

蘇子瞻

參寥行者鍾守素事參寥有年矣未嘗見過失竊嘗密
察其所為似有意于慕高遠者寥云秦太虛有意為率
交游間每人為出買詞部牒令得出家此亦善緣僕既
隨喜然參寥不喜干人故書此紙以付素使遇善知識
即出以示之隨意所辦即書于紙

化度牒疏

汪彥章

離愛出家期紹如來之種遇緣祝髮必資檀越之恩道
思雖匪上根蚤持淨戒久執道人之巾屨未陪衲子之
鉢囊倘善知識之垂悲俾比丘身而得度唯茲財施誓
以法酬

化度牒疏

呂伯恭

香刹寶坊無人則廢梵容金像非衆疇依是知造寺之
功不若度僧之力敢持此說遍告諸賢續破闇之燈未

金剛經卷第八
卷八十
貴崑崗之寸焰假幽塵之翮須憑鵬背之一毛

化度牒疏

圓頂方袍名為僧相圓外方內號曰錢神要覓護身符
正須阿堵物歷三河祇而登覺苑始自今朝興六波羅
而開施門共成茲事

化度牒疏

趙莊叔

佛常云欲求寂滅樂當學沙門法深山窮谷簷衣糲食
務自枯槁此佛之所以日夜教人也今之學佛者則不

然裸其顛方其袍變易其姓名轉換其聲音形容不殊而佛法微矣僧希成顧謂某曰言作彼相者幻也作是念者亦幻也冠襟而入宗廟莊欽不勉而至杖屨而登塋墉涕泗不期而至物固有變于外而遷于內者子以音容之同不足以為佛獨不觀夫超徃三界證上乘妙法有不自于音容之同者乎某笑曰汝有欲哉希成曰童行道能從希成二十年矣欲歸誠佛僧囊無餘資惟願慈悲為我等作語白諸大檀越令我童行道能得隨

佛出家某曰嗚呼道能而來前汝道能自從無始以來
焚諸名香至于今生自從今日有種種善因合受如是
報今諸大檀越聞汝出家生歡喜心各捨所有成殊勝
事如吾之窮無物可捨亦能為汝作言語明汝本心白
諸大檀越今汝受施自從今日乃至汝身不須念佛念
法念僧不須說戒說定說慧安排道具淨洗鉢盂假使
住世七十九年也受得許多布施乃至經歷百年萬劫
且作未來因緣

披剃比丘尼疏

晁無咎

山河大地尚因瞪發而生血肉幻身豈是金剛之法為
泡為沫為無量腥臊聚為苦為腦為百一疾病纏為火
宅已燒為丘井將墜畫作猖狂而不暇夜夢怵惕而自
驚無常大鬼之所驅有情更生而何往所宜厭患而反
欣喜控搏乃清淨童女杜氏小五娘賢公之孫信士之
子初聽結禱之議更盟落髮之誠至于是姑姊妹之行
譬若觀雀蚊蚋之過蓋戒定宿修于前事故因緣適會

於此生親杜姓中咸從本起之願姑晁氏配為營披荆
之資解紆著盤諸天八部而皆歎登壇受具大覺六師
而現前當有無舌瘡痲人教汝讀經而生育槁填人指
汝見性滋長聖種斷除愛根用以加持晁杜兩族俱乘
勝因回向幽明二途永脫苦趣及此會中盡未來際助
緣隨喜男子女人證明此比丘尼令得不退轉同悟無
生忍曩謨佛陀邪

五百家播芳大全文粹卷八十

欽定四庫全書

集部

五百家播芳大全文粹卷八十二

詳校官侍郎_臣劉躍雲

助教_臣常循覆勘

總校官編修_臣王燕緒

校對官中書_臣范 鏊

謄錄監生_臣王增賢

欽定四庫全書

五百家播芳大全文粹卷八十一

宋 魏齊賢

葉 茶同輯

祝贊疏

祝聖

祝皇帝聖壽疏

真乘演法常開最上之因寶藏繙文能起無邊之福敢

助虔於覺力庶增祉於皇圖皇帝陛下伏願如日之升
如山之固永享諸天之祐長居北極之尊

祝皇帝聖壽疏

金仙建化啟第一之真乘玉偈演音集大千之妙利竊
慕華封之祝虔依皇覺之文皇帝伏願慧日普臨禪天
畢覆永固南山之壽長居北極之尊

祝皇帝聖壽疏

后作民之父母咸賴昌期臣視君如腹心敢忘報上恭

依慧力仍仰真筌僚魏闕以馳神効華封而申祝伏願
皇帝陛下離明久照乾健常行益眷命於聖神九州共
貫承在躬之歷數萬壽無疆

祝太皇太后壽疏

玉相現前運能仁於普界金文演義導真諦於羣迷敢
崇輯於妙因庶助緣於遐歷太皇太后伏願如慈雲之
靡不覆如慧燭之靡不輝常居長樂之尊永侈太任之

德

祝太皇太后壽疏

寶覺現前示能仁之慧力金輪秘藏宣真諦之密音恭
憑最上之緣仰薦延鴻之算太皇太后伏願慈如雲之
永蔭福如地之無疆常居慈闈之尊日致聖孫之養

祝皇太后壽疏

佛趣導迷慧力周於法界母儀正位陰教及於函生虔
依蓮界之祠大啟海輪之藏庶崇勝果仰薦慈仁皇太
后伏願壽若靈山之高福如厚地之固常親承於帝養

永同祚於邦國

祝皇后壽疏

演祇園之教悟夙智於本來繙貝葉之文資善音而普
覺虔依梵界祈佑皇圖皇后伏願北極齊尊諸天密護
流景光而配日崇厚德以儀坤

功德疏

生日

師相生日功德疏

元輔挺生應五百年之間世真皇調御懋一千歲之昌
期仰假道勲上崇鈞算與山河而共固配箕翼以長存
庶使生靈永有依賴恭惟大道證明

闕

張徽猷生日功德疏

桑弧絢采顯逢申伯之生貝葉摛華丕贊魯侯之壽恭
惟知府徽猷為仁由己以道得民名在西清本奕世公
侯之閔閱政成南國皆傳家詩禮之典刑候適素秋祥
開黃髮王臣一節永扶有道之朝佛氏三乘彌介無邊

之福紺容易格丹悃難窮

楊殿前生日功德疏

洪爐老火陶上將之精神遙闕高真輔吉人之祿奠式
逢誕日恭集道流啟秘典於瑤函祝遐齡於金籙恢恢
至教能廣慶於人天業業高勲庶永齊於箕翼

代僧為丞相生日設齋功德疏

去麟閣之儀容既勤繪事演鷲峯之古義用集殊因恭
惟某人道貫天人學超今古開物成務效已克彰尊主

庇民功無與二當泳游於覺海力衛護於正乘惟大悲
之道場實成都之福地向緣昧奏遂得賜名某久以焚
脩親被恩澤絲綸降寵香火增輝是用嚴金碧於層樓
炳丹青於紛堵歸依寧替瞻仰無窮伏願密契真筌普
薰妙善體胖心廣類廣成子之不衰名遂功成似魯僖公
之難老坐陪熙運永贊皇猷

張知省生日功德疏

金風玉露陶成物表之精神象軸琅函密贊人間之壽

考至誠所感純嘏是臻既殫肺腑於彤庭宜益年齡於
丹籍柏燭薦處映南極以增輝檀篆浮時拱北辰而共
永

漕使生辰功德疏

計敏夫

嵩嶽生賢以贊承平之運鷲峯闡教少伸集福之緣恭
惟某官學際天人志存君父榮方持於漕節慶適值於
門弧當此令辰屬城慶禱式憑具典用祝椿齡伏願密
印嚴持普燈交照保形愈固類廣成子之不衰作德長

新如魯僖公之難老

太守生辰功德疏

崧岳儲休實生賢佐鷲峯布教允佑吉人當誕月之令
辰哀屬城之歡禱皈依檀像演諷貝文伏願某官道氣
愈新如蓮不染德容難老似柏長榮副睿聖之乞言荷
朝廷之圖舊

知縣生日功德疏

吉人為善通於神明皇天無親俾爾戩穀啟三島不刊

之典當一同難偶之期恭惟某官士氣昂霄仙風絕俗
非禮勿視目嚴北極之秘文以仁存心時舉南邦之異
政峻秩早聯於紫府佳辰適遇於青春爰諷銀題仰干
金闕運而無所積新事業於熙朝取之不可窮永壽康
於坦履丹誠懇禱碧落照臨

太碩人生日功德疏

與佛有緣生後如來之一日自天降祐身逢皇宋之七
朝既涉世途寧逃業障况以鶴髮期頤之齒久居鱗嶼

瘡癘之區寢食難調指顧生疾於陰功之有助殆人力之難支奚罄丹悰仰皈皇覺假慈悲之願力作方便之法門滌罪垢於六塵災消雪霰壯福基於甚善壽保椿松

修造 佛事

脩聖祖殿疏

天體蓋高神心莫測輒干洪造上布丹誠臣昔叩靈祠恭陳祀事念棟楹之既久顧殿陞之未崇敢肆經營精

加興建造成峻宇仰奉眸容嚴寶構之清宮駐霓旌之
仙馭臣夙依道蔭不忘報稱之心永慕真詮敢怠脩建
之禮

興國寺佛殿畢工道場疏

王岐公

祇園之勝寶刹初成釋迦分身遍滿空界蓮華啟藏交
誦諦文起一切之至緣道十方之迷識永依慈力廣輯
圓音

發願脩水陸疏

蘇子瞻

苦海彌天佛為彼岸業風鼓浪法是慈航諸佛子等久
墮三塗備嘗百苦不遇善友永無出期今者各於佛前
同發此願願除無始以來貪嗔惡業願發今日已後清
淨善心願行行坐坐歸依佛歸依法歸依僧願世世生
生遠離財遠離酒遠離色既獲生涼之樂同濟極樂之
方普冀有緣皆證無漏

簡州道俗齋萬僧疏

黃魯直

續如來未劫之壽莫大乎法供養乞上方香積之餘不

可以意分別崇成三德六味普飯十方衆僧貧女一錢
不以為少給孤側布不以為多知恩方解報恩辨心即
是辨供我輩生於五濁不遇三災鑿井耕田當知雨露
之力仰父俯子實依桃李之陰年且屢豐人有餘力興
茲美報式契羣心伏願皇帝陛下福基堅固如不動妙
高之臺德澤汪洋等甚大功德之海兩宮同壽箕翼衆
星常拱太微河出九疇山呼萬歲乃至鱗符虎節千騎
二車下為動植之春上協太平之業凡我此會不勸而

成若見若聞隨力隨分

觀音道場疏

李仁甫

是觀非觀如水底月是音非音如谷中聲自一月二月
至無邊月觀之者當自己心雖妙聲梵聲及說法聲聽
之者不從他是故我今心田一念專精耳根諸塵斷滅
伏願觀世音菩薩廣上中下三乘之教化千百億無量
之身滌其罪垢罪自永釋植以福田福如川至副太覺
明明之付囑滿衆生種種之願文

設觀音供疏

劉仲遠

身是道場心為佛土惟身安而道泰則心淨而佛來伏
念某幼而愚迷莫曉操修之懿晚復衰病尚懷顛越之
憂仰願慈悲俯垂護念俾延年而壽考庶進德於暮途

設供疏

楞嚴會上雖已證於圓通菩薩戒中亦嘗開於懺悔以
衆生之宿業致諸佛之興慈謹詣仁祠恭依梵律伏願
示大悲憫念多劫之塵勞放普光明度一切之苦厄長

在清夷之處遠離怖畏之災一心貫十方罪無實相業
通三世懺有明文敬仰威容式脩淨供伏願慈航濟難
法炬開明庶幾有相之身永除無妄之疾一門皆吉諸
福大來擔脩精進之因期證圓通之果

祈福道場諸長老升堂疏

竊聞昔妙應菩薩廼再世之辟支今長老禪師實後身
之圓智傳心一印利物同符以無等慈悲設無盡擔願
說無上法要度無邊衆生况某也持金剛誦般若破四

相詰一乘雖見如來無上等根性疑與善現是一會中
人妙諦儻聞道途頓免

看誦華嚴經疏

因緣契合得有此經慶幸平生孰如今日實身貧而家
富將口誦而心通擔盡此生敬恭不怠在在處處如佛
之春劫劫生生以今為始伏願諸佛所說如慶喜而常
聞一生之間與善財而同證

懇普賢菩薩示現疏

王望之

我眉異境普賢道場顯殊勝之妙光救昏迷之末俗凡
茲瞻禮無間賢愚聖赴感以示慈人因相而生悟某等
願心雖篤宿障未除逮此來游起於一念初登山而雨
作既升頂之煙迷險路八十四盤已驚破胆白毫數百
千丈未見示人恭惟普賢菩薩大士現如幻身具大慈
性埽重雲之陰冷階白日之光明使我同來之人得畢
此生之願誓茲以往永依上乘無任虔懇之至

佛母孔雀菩薩疏

毒龍盡而釋迦出世乾坤還清泰之風未劫終而彌勒
下生日月垂貞明之像靜觀宿命彌切悲悰恭惟我佛
母孔雀明王大菩薩薄迦梵身獨路三界爍迦羅眼普
照十方凡屬含靈悉資覆育至使神明頓還舊觀雖捐
軀命莫報鴻恩私等再生感深零涕鷲峯話別坐擎天
上之春回象嶺言歸又是人間之夢覺

懺經疏

蘇子瞻

如來大藏起於四十二章過去妙心流出萬五千卷前

言具在後句分明縱有古佛六道難轉老婆一卷念我
夙昔見此本原悟萬善之同歸豈一法之敢捨徧忝重
譯盡發秘函全見摩尼珠悉證貝多葉作此大事示諸
有情稽首雙林之輪不負二聖之偈

迎羅漢疏

寂滅為樂清淨自居見如來於四弘願中起神變於一
剎那頃展坐具之一角地狹山摧浮拄杖於橫流紋歸浪
改眉毛拶地指燄際天飼瑞鵲而一物等觀洒甘露而

衆生蒙潤薰脩精進虎為馳經諷誦勤渠桂專飄席或
禮薄伽梵或入般涅槃呼吸而電掣風生噫欠而雲興
霧合離諸着外持一鉢以何求住在無為偏右肩而常
祖支頤自逸隱几忘言靈山之鹿每銜花寶海之神端
獻供針峯甚峻宴坐有餘芥子雖微納山不礙

放生疏

天地闢而聖人生中天麗日飛潛蘇而王澤洽寰海歸
仁是資而屬之性靈以祝吾君之眉壽或逢誕節爰舉

彞章虫魚各遂其生廣唐虞好生之德葵藿皆傾所向
贊箕翼有永之年

放生疏

汝剛足以自衛智足以自晦而乃見獲於徒搏之夫人
喜汝以八珍吾憐汝以一死捐百金以市汝而復納汝
於清冷之居汝其益志於晦用保厥剛以無速於戾也
夫

轉經藏疏

最上具文甚深花藏具大法眼是真道樞惟運轉之無窮寶皈依之有在圓機應物動化於一時善利循環幸密於多福

福應廟乞加爵化緣疏

漢令有神舒民無斃將益隆於廟食用丕集於羸金翠琰龜趺祕十行之溫詔寶韜玳軸來九命之真封茲事不凡吾人何吝

祈禳 賽謝

欽定四庫全書



五百家播芳大全文粹

十三

設供禳災集福疏

蘇子瞻

躬儉節用本嚴房閨之風遺大投艱猥當廟社之寄常
恐德之弗類于召災于厥身敢叩仁祠肆陳淨供恭延
梵釋普施人天俾壽而康非獨輔安於寡昧與民同利
固將燕及於華夷仰冀能仁由垂昭鑒

畫羅漢慶讚設齋祈保疏

某方釋大憂初起重疾恐殘年之不遂念未緒之未傳
惟阿羅漢之慈悲受釋迦文之付囑有求必應無感不

通爰有異人是名禪月畫此天日之表應於夢昧之中
若有物以護持俾凡生而瞻仰某誓同妻妾皈依父師
三世之業可消百生之寃自解仰憑至鑒俯覺微誠危
涕交垂占辭未盡

華嚴會禳災疏

陳履常

毘盧遮那徧一切處惟佛所在名常寂光闡妙法於三
乘繹微言於九會圓融萬德頓起有作之思維含吐十
方盡攝無邊之剎境以此發心則心地冥符於諸佛以

此脩善則善願皆服於衆魔比者邊候繹騷民屢震擾
忠衛社稷誰傾漆室之憂力守封疆莫備彤門之役迺
合諏於衆志俾同結於淨緣仰瞿曇清淨之身起華藏
莊嚴之觀吉蠲蘋藻眡滌壇場五體投誠六時行道百
千萬偈如聽普賢之宣揚五十三城悉遍善財之游歷
庶道迎於景旻一消弭於妖氛今則法事既周善功斯
立仰願寰區安乂再觀河洛之清晷緯宣明共仰璿璣
之正烽遂靡驚於幽障歌謠載穆於康衢萬壽無邊一

人有慶次願此方境內合道場人咸罄悃誠各霑福利
一曰壽二曰富惠我無疆天生時地生財勤則不匱五
風十雨而氣序悉臻於調豫千倉萬箱而貲儲常保於
豐盈物無害生家有餘慶四恩三宥法界含情咸茂功
德之林同泛福聚之海

六祖塋下禳災疏

蘇子瞻

竄流嶺海前後七年契濶死生喪亡九口以前世罪業
應墮惡道故一生憂患常倍他人今茲北還粗有生望

伏願六祖普覺真空大鑒禪王示大慈愍出普光明憐
幼稚之何辜除其疾恙念餘年之無幾賜以安閒軾敢
不自求本心永離諸障期成道果以報佛恩

遠任祈福設供疏

李知幾

荷國開恩有周歲二萬里之往復奉親遠役負全家三
十口之生成凜然性命之憂厚矣髮膚之託仰資仙蔭
聊課齋功伏願終惠長途早瞻先壟溫溫江瘴埽疫癘
以潛消節節風灘戢波濤而無聳伏願佛慈證

禱病道場疏

宋子京

聖覺流慈神華蒙護比緣椒極偶爽至和亟進七丹未
臻良已或慮晦明失展休王交期乘沴致愆直辰為厄
惟招禳之有典非妙湛而罔依已即堵波徧探句偈延
供十方之勝祓除六疾之微指日有瘳介祥無量益光
惠命祇飾齋誠

祈嗣道場疏

史天秩

孫又生兒乃有移山之志老而無子難忘濟登之憂輒

生一念之誠仰扣九閔之邃某四世而下一子相傳積
累之澤不流嗣續之微如縷顧惟仄陋實忝繼承雖憑
祖考之休尚寡子孫之聚奉先思孝敬鬼神達旦炷
香望高禩而致禱迎春剪綵詣聖母以投誠久傾葵藿
之心未感熊羆之夢方炎帝執衡之候乃孀親設悅之
辰按大藏之古儀建圓通之勝會庶憑佛力上達宸聰
伏惟帝釋天主道濟洪纖德包罔極生殖長養曲成而
不遺主張維綱善救而無棄特回昭鑒俯納虔誠一毫

之片善可書三載之餘殃如埽策登九寸遇老嫗之授符
環列四枚感黃衣之獻玉庶幾多子得以興宗擔勤陰
德之脩用答大鈞之賜

設羅漢供祈安疏

韓子蒼

菩薩應緣之疏有長壽王聲聞利物之深唯阿羅漢肅
依禪衆仰即脩真伏願眷屬康寧子孫昌盛清淨少惱
常居福德之鄉安樂延年重覩昇平之世

為妻禱病懺經疏

韓子蒼



衆生困苦皆是宿因諸佛憫憐普加慈護惟華嚴之妙
典示法力之融通不可思議具如傳記伏願妻柳氏本
明養生無術嬰疾有年欲銷多劫之愆須伏一乘之教
願垂密祐早獲康寧使寒疾風虛悉離身而遠去凡湯
劑丸散咸應口以如神乃暨闔家並蒙百福

祈嗣賽道場疏

神威不測早回從欲之仁佛力無邊願効知恩之報曩
緣賤息巫恩賢侯曾日月之未淹俄熊羆之協吉粲然

蘭蔭既回宇戶之春籍甚具文爰謹柏庭之薦惟聰明
之嚮譽庶壽祿以時升

謝登第設羅漢齋疏

史天秩

天道雖遠其聽甚卑神居無方有求必應輒具蘋蘩之
供仰伸葵藿之心伏念某寒淺孤生棲遲晚景此緣鄉
舉例試省闈愁入危腸懼脫奏名之籍夢還私空忽瞻
生世之顏致令失旦之窮獲預圖南之舉尋思榮倖出
自冥扶方仲春驚蟄之辰值真宰降生之日勉陳清供

遠迓仙風伏冀大士監觀列真垂暎埽一生滯迹闢萬里前程仕路亨通壽年綿遠

還家賽謝設觀音齋疏

史天秩

某兄弟日者艱難遠役往返畏途覆語盈朝大仇塞路孤迹共知於不免危腸獨保於無他仰惟佛菩薩之明俯察賢不肖之實默然有禱恍若可通無罪以書有枉遂直敢伸淨供少報殊私伏願某名宦有來疾病良已公議盡出毀言不聞全家安乎山林餘蔭均乎嬰孺恚

除三世之業永忘一至之心敢冀大恩俯垂至鑒

為子謝安設供疏

韓子蒼

衆生困苦之中但知呼佛諸聖慈悲之故常善救人昨
以二子同時一春卧病既不勝於憂惻輒仰叩於真乘
跏耳梵容嘗形夢寐楊枝法雨坐獲清涼敢具伊蒲肅
延飛錫伏願遵如來之誨飭作濁世之依歸靡辭赴感
之勞常昇闔家之福

為子謝安設供疏

韓子蒼

衆生願力無感不通古佛慈心遇緣皆應能令熱惱盡
變清涼頃以兒曹偶離疾厄不勝父子之愛仰叩人天
之師既獲痊安敢忘報謝伏願光明照了威德護持壯
老康寧孩童壽福仰惟大覺俯鑒微誠

為女謝安道場疏

邵公濟

疾痛呼號於天煩惱根性自佛惟普陁大士之至聖與
閻浮衆生而有緣念弱女之疾甚危極常醫之技以拯
默存善禱陰有感通夙按規儀敢忘報謝當更務于修

省冀益加於護持闔此哀門共臻殊祉

禳水疏

宋子京

比以積雨過常伏陰為沴失於潤下逮此橫流南屬豫
徐北綿河朔墊傷廬舍毀決防庸大田之稼其空比屋
之民昏歎雖天災代有或繫於禳祥而寡德使然敢忘
於惕厲亟詢梵典祇結禳壇即秘宇之神深集勝流而
圍繞祓除金界宣震潮音庶憑護世之慈垂濟薦瘥之
困寢紓厄會回納太和促歸壑之有期俾服田之就緒

能仁普鑒大庇云依

禳水疏

趙莊叔

平原出水皆緣吏治之失中小民無知尚幸佛慈之加
潤敬脩淨供貢奉真乘惟潼涪千里之邦帶東南二水
之阻漲不時落地無孑遺乃者暴雨連陰悍湍四決惟
鬼神虐用其罰起尋丈於斯須之間而民吏不真厥居
寄性命於毫髮之上是用頓首皈命聲言求哀願虔終
夕之香燈全獲一城之生齒仰惟觀音大菩薩廣大不

念罪慈悲不違人重雲歸水山漲返聲吏民免魚鱉之
食父老寬子孫之憂大德難名大恩難報今者分飭屬
吏各洗厥心非佛疇依既免向隅之泣以民為急不忘
在莒之危誓守丹衷仰酬法力

水後禳謝疏

李成季

我佛開方便門施智慧力哀衆生如窮子假大願為慈
航比者暴潦淹旬川流漲野駭孤城而若塊憂庶類於
其魚惟是熙寧之間將罹昏墊之患威神一叩瀦潦四

空再瀝丹衷上千靈鑒惟願散白毫於頂上盡逐頑陰
吞巨浸於毛端坐成沃野永賴總持之賜益堅回嚮之
心

淨獄

淨獄疏

陳無已

幽囹空虛實作太平之象法筵崇飾聿脩典禮之常惟
此徐邦素稱劇郡獄無虛日市不絕刑解網施仁奉聖
朝之初政治絲從理資賢守之良能迨此空虛敢忘大

報伏願刑設不用人自不寬熙熙如登春臺濯濯鞠為
秋草更憑梵力溥及含生

淨獄疏

蘇子瞻

民知榮辱自銷五福之疵政格平和遂弛萬人之獄今
者國家間暇囹圄空虛雖咸仰於帝仁亦陰資於神聽
是用集祇園衆大啟法筵蕩滌餘氛拔升宿滯此則妙
音普贊勝果大圓振允泉冤枉之魂作萬古清涼之地
靡生茂草氣召太和歲常獲於豐登民永躋於仁壽

淨獄疏

陳履常

道興乎世民格于中不犯有司蓋習是知非而致此必
使無訟豈承流宣化以能然誰其尸之神所勞矣肆嚴
法席恭薦慈容刑清政平已荷能仁之賜日來月往益
堅欲報之心

淨獄疏

朝廷尊道縣邑嚮風民有悛心但覺耕桑之美庭無留
訟遂多犴獄之虛治雖責於承宣恩實歸於覆憫敢差

微禮上瀆層霄刑清政平已荷無為之化家給人足更
資不宰之功仰鴻造以難酬與羣生而共慶

祈雨 謝雨 祈晴 謝晴 祈雪 謝雪

祈雨疏

李成季

稼事方興時澤不足既濫承流之責宜先闔境之憂敢
露精衷上千慈聖伏願法雲徧覆神力總持遽興三日
之霖少蘇千里之旱仰惟惠照俯徇哀祈

祈雨疏

播茲多稼期於有秋雨澤愆期農夫失望倘陰功之不
與在人力以何能爰竭丹衷仰叨洪造尚憑願力以惠
嘉生

祈雨疏

慧雲垂潤本無間於羣生旱氣為妖慮有傷于百穀輒
殫凡懇上叩佛仁仰冀慈悲俯憐枯槁甘露一洒各蒙
生長之恩豐年可期共樂和平之化

祈雨疏

林豈塵

如快如焚正渴雲霓之望是穠是蓂久罹早暵之虞祈
求既竭于忱恂惠澤未蒙于霑足敢邀仙馭未慰民情
况山川有蓄泄之靈而田畝正徯蘇之望伏願油然作
沛然下遂成三日以為霖陰無伏陽無愆未聞四月之
不雨庶少寬於吏責使不失於農時

祈雨疏

龍見而雩魃旱為虐原隰之田未徧播種井汲之泉幾
涸源流恐宣化之澤未盡感孚使致和之祥有傷乖戾

輸誠効悃仰禱慈悲伏願風淒淒雨祈祈不失三時之
務苗芄芄稷嶷嶷式寬千里之憂

祈雨疏

惟茲穡事長茂於夏彌月不雨農人告病惟神血食此
方與守土之吏同任其責如能大赫厥靈以澤羣生不
惟解民之憂寬吏之責亦可以彰神之休

祈雨疏

金風扇德品彙收功火日揚輝歷旬不雨澤既愆於久

望功將壞於垂成俯竭丹衷仰叨洪造陰功默相美利
曲成用濟羣生式貽靈祝

祈雨疏

神心莫測天鑒甚昭有感斯通善祈必報仰噴蓋高之
聽輒傾小已之誠顧此疲民薦逢凶歲人方憔悴帝亦
哀矜當嘉穀之蔚興因常暘而欲槁稍愆雨候將致年
饑是用式謹明科恭趨真宇惟天威之洞照察臣志之
精求濟以豐年錫之甘澤仰冀曲成之賜普霑善貸之

恩

祈雨疏

慈悲救物立願弘深方便濟人運心廣大倘竭至誠之
懇必彰善應之功當時雨之屢愆念秋苗之將槁驕陽
未殄旱氣方隆是用恭歎梵宮嚴脩淨供伏願慧雲遍
施法雨普霑濟以豐年錫之甘澤仰冀無邊之力俯成
善貸之私

謝雨疏

李成李

廣願不違至神能速梵磬鏘而震雷作淨香散而蒸雲
興一夕霑濡千里膏沃輒伸精懇上報法慈誓堅回嚮
之心永賴函蒙之福

謝雨疏

雨暘失節民吏其憂方卜有祈先期是應精神所格在
菲德以何堪動植皆蘇惟大恩之莫報輒將卑懇以謝
無私

謝雨疏

以雨為命南畝之民膏澤有時歲時何望將率僚屬有
請於神密意潛通願答如響咸生皆遂厥功茂焉祇奠
祠庭以謝靈貺

謝雨疏

時丁旱暵方增耗斁之虞佛示慈悲曲應精神之感膏
澤一沛槁苗再生民有望於豐登國何憂於儲蓄恩波
廣被法力難思益推利濟之仁永息蘊隆之害

祈晴疏

天作霖雨中將敗於西成民有肅心敢上干於北極念
扞邊之師既力若調兵之食方勤必大積於廩困庶少
寬於州縣願馳日馭函屏龍工開晷晷晷夜之輝式蘇
萬物發如坻如京之詠爰快三農惟帝降衷鑒人歸命

祈晴疏

佛以度物為心食乃生民之命比者時陽不固暑雨既
淫大貽南畝之憂將失西成之望仰伸誠祝上叩法慈
惟放白毫光如一念頃被頑陰於四極瑩麗日於九霄

卷八十一
永賴庇存益堅回向

祈晴疏

秋方登稔平鋪萬畝之雲時適斂收綿作彌旬之雨墮
農功之垂就殞民心於載憂謹澀丹誠仰投皇覺願幹
回天之力潛施馭日之功亟埽妖氛廓開霽色耕而不
獲念茲終歲之勤得之則生保此有年之喜

祈晴疏

文士頌

積陰作沴潤茲常雨之愆新穀未登懼失有秋之望敢

殫凡懇仰叩覺皇惟薄示於龍仁遂廓開於慧照清風
四起白日正中農畝既收軍餉無闕吏獲逃于曠責民
咸樂於豐年

祈晴疏

秋日淒淒亟隅為霖之害我黍與與莫輸是獲之勤惟
軍食之攸資豈農功之可後仰祈佛慧曲贊天陽起眉
間一毫之光羣陰若伏來郊外千箱之積百室用寧法
力無邊凡情有賴

謝晴疏

秋霖敗獲仰二諦以興衰佛日當空肅羣陰而退聽敢
罄歸誠之禮用酬從欲之人風雨攸除已丕承於法力
婦子寧止更卒享於豐年

謝晴疏

李成季

佛果難量法門無礙天龍人鬼盡入總持地水火風一
歸變現託化身於千劫投苦道於衆生恭惟靈惠大師
位證真乘功深願海自有唐開元之際夙種妙緣由先

帝熙寧以來屢開靈感一方受賜萬目同瞻比者雨潦
因仍河流漲溢蛙鳴新竈十日不炊搓擁戍樓四郊如
海已危生於朝菌將莖骨於湖魚屢瀝丹衷累通玄鑒
威神所應影響不違幹巨浸以東傾破重陰於一指天
青日白鶴鶴爭飛野澗天平牛羊可數凡在含生之類
共蒙再造之恩是用祇率薦僚肅陳淨供誓殫真信上
報深慈惟願遍福德於未來廣津梁而不倦使四時調
序百穀滋豐少完瘡瘠之餘永賴生成之賜

謝晴疏

斂藏在候，繇為霖雨之災。齋沐致誠，虔以瓣香之禱。以爾農之勤苦，見我佛之慈悲。取墜景於虞泉，飛祥光於若木。是刈是穫，亟如寇盜之空載。笑載言，永保室家之慶。深仰無窮之惠，空懷莫報之恩。

謝晴疏

害柔盛而作霖雨，方以為憂。披雲霧而覩天青，翳誰之力。賴我菩薩，現大神通。憫此衆生，罹茲災障。頓息常陰。

之罰用成大有之年以惠農工少寬吏責一心奉請已
昭能應之誠稽首皈依難論無窮之報

謝晴疏

近以霖湯為災盛陰積晦涓敷素詣叩慈仁果膺六
度之虛尋弭三農之患既垂真蔭爰舉梵儀彌慶皈依
庶伸謝答

祈雪疏

李成季

佛果妙圓法力平等雖無求而不獲須有感而後通敢

竭精衷上千慈照比者冬陰不固時雪既愆幾成焦旱
之災竊慮疾疫之變伏願不違本誓力度有情俯為三
日之期遍蒙一尺之瑞永堅回嚮益厲齋嚴

謝雪疏

一雪應祈初無所報三春謹始預有所靳爰陬時日之良
載選池亭之勝肅嚴供具繼雪燈輪彼衆有情咸至道
場之上此光無盡普輝法界之中庶仗妙因可裒勝果
伏願大宋世界汝州管下時人安樂歲事豐穰同發道

心各登佛地然後十方國土一切靈示雖各有緣等同
斯願恭惟三寶印知衆聖歆鑒

五百家播芳大全文粹卷八十一